



## SAOPŠTENJE CENTRALNOG ODBORA SINDIKATA UNIVERZITETA U SARAJEVU

### O POKRETANJU PROCEDURA ZA ŠTRAJK

Centralni odbor Sindikata Univerziteta u Sarajevu na sastanku održanom dana 27.01.2014 god. razmatrao je izjašnjavanje članova osnovnih organizacija sindikata na Fakultetima i Akademijama o pokretanju postupka za početak štrajka i izabrao metod odvijanja štrajka i datum početka.

Članovi svih trinaest osnovnih organizacija sindikata na Fakultetima i Akademijama je ogromnom većinom se izjasnilo za pokretanje štrajka.

Centralni odbor Sindikata Univerziteta u Sarajevu je jednoglasno odlučio da štrajk počne dana 17 februara o.g. i da se manifestuje u obustavi nastavnog procesa na Fakultetima i Akademijama koje su članice Sindikata Univerziteta u Sarajevu.

Zahtjevi članova Sindikata Univerziteta u Sarajevu su:

- 1. Bezuslovnom otpočinjanju procesa pregovaranja o zaključenju Kolektivnog ugovora između Vlade Kantona Sarajevo i Sindikata Univerziteta u Sarajevu o reguliranju osnovnih prava i obaveza zaposlenih na Univerzitetu u Sarajevu uz uvažavanje realnog ekonomskog i socijalnog stanja u našem društvu.**

Obrazloženje:

Nacrt Kolektivnog ugovora je usaglašen posle šest mjeseci pregovaranja sa Ministarstvom obrazovanja, nauke i mladih u drugoj polovini 2008 god.

Nažalost Vlada Kantona nije htjela imenovati članove tima za pregovore sa Sindikatom Univerziteta u Sarajevu da bi taj nacrt bio razmatran na Vladi Kantona Sarajevo.

Tek 15.05.2009 god. je Vlada Kantona Sarajevo na sastanku sa predstavnicama Sindikata Univerziteta u Sarajevu donijela odluku da pristupi pregovorima o zaključenju Kolektivnog ugovora između Vlade Kantona Sarajevo i Sindikata Univerziteta u Sarajevu, ali je odgovarajućim pravnim manevrima (u odluci je naveden naziv nepostojećeg sindikata) izbjegla formiranje tima i prekinula dalje pregovore.

Dalji kontakti sa Ministarstvom obrazovanja, nauke i mladih od tada do sada nisu bili uspješni u pravcu nastavka razgovora oko usvajanja Kolektivnog ugovora.

Bez Kolektivnog ugovora, članice Univerziteta u Sarajevu su u podređenom položaju u odnosu na budžetske korisnike, nije moguće dugoročno planirati razvoj kadrovske i naučno-istraživačke i umjetničke baze Univerziteta.

Zato Sindikat Univerziteta u Sarajevu traži da pri planiranju budžetskih sredstava za 2014 god. se izvrši usaglašavanja koeficijenata zaposlenih na Univerzitetu sa koeficijentima ostalih budžetskih korisnika kao prvi korak u pravcu zaključenja Kolektivnog ugovora između Vlade Kantona Sarajevo i Sindikata Univerziteta u Sarajevu.

- 2. Vlada Kantona Sarajevo treba da preuzme obavezu da će zaposlenim na Univerzitetu u Sarajevu nadoknaditi umanjena sredstva za novembar i decembar 2013 god. tokom tekuće budžetske godine.**

Obrazloženje:

Samo manji dio Fakulteta je u stanju da bez značajnijih potresa održi svoju stabilnost i zadržavanje postojećeg nivoa obrazovnog procesa.

Praktičnim ukidanjem sredstava za nauku, onemogućen je značajan broj mladih da ispune obaveze koje predviđa Zakon o visokom obrazovanju u procesu izbora u viša zvanja ili ponovnom izboru u prethodno nastavno i naučno zvanja. O sufinansiraju ozbiljnijih naučnih i umjetničkih projekata nema ni govora u ovakovom odnosu snaga prema nauci i umjetnosti. Ovo stanje se može najbolje objasniti narodnom poslovicom „kadija te tuži i kadija ti sudi“!



- 3. Sindikat Univerziteta u Sarajevu želi da ponovi svoj stav izražen tokom rasprave o budžetu za 2013 god. da svako umanjenje sredstava direktno ugrožava već narušen obrazovni nivo na većini Fakulteta i Akademija. Iz tog razloga planirana sredstva za 2014 god. ne bi smjela biti manja od realizovanih sredstava za 2012 god.**

Obrazloženje:

Ako se izvrši umanjenje sredstava za tekuću budžetsku godinu u sklopu prijedloga budžeta Kantona Sarajevo, Fakulteti i Akademije neće biti u moći da angažuju vanjske saradnike (oko 30% ukupnog nastavnog osoblja) bit će dovedeno u pitanje minimalno održavanje nastavnog procesa. Već sada ne postoji organizovan istraživački rad na Univerzitetu u Sarajevo, već samo izuzetnim angažovanjem pojedinaca ili užih grupa na Fakultetima se održava neki nivo istraživačkog i umjetničkog rada.

- 4. Sindikat Univerziteta u Sarajevu je svjestan različitosti ekonomskog položaja između članica Univerziteta u Sarajevu i naglašava da to pitanje postaje jedno od vitalnih pitanja opstanka Univerziteta u Sarajevu kao jedinstvene visokoškolske, naučno-istraživačke i umjetničko-istraživačke zajednice Kantona Sarajeva.**

U ovom momentu su najugroženiji zaposleni na Akademiji za scensku umjetnost koji su za novembar dobili samo 50% plate (asistenti su dobili 450 KM, redovni profesori oko 900 KM).

Centralni odbor Sindikata Univerziteta smatra da se rektor Univerziteta U Sarajevu i njegovi prorektori, dekani i dekanese Fakulteta i Akademija, treba da stanu iza zaposlenih na Univerzitetu i da zajedno pokušamo pronaći rješenja za ublažavanje sadašnje i vjerovatno još teže ekonomske i socijalne situacije koja nam predstoji.

Predsjednik Sindikata Univerziteta u Sarajevu

Prof. Dr Berko Zečević